



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Sumáriu kazu

Tribunál Distritál Oekusi

Períodu Maiu 2018

Afirmasaun: Sumáriu Kazu tuirmai ne'e deskreve faktu sira no prosesu iha tribunál tuir JSMP nia monitorizasaun independente, no deklarasau ne'ebé parte sira fó iha tribunál nia laran. Informasaun ne'e la reprezenta JSMP nia hanoin hanesan instituisaun ida.

JSMP kondena maka'as forma violénsia hotu-hotu, liuliu hasoru feto no ema vulneravel. JSMP afirma la iha justifikasaun ba violénsia hasoru feto.

A. Sumáriu prosesu julgamentu kazu iha Tribunál Distritál Oekusi

1. Totál kazu ne'ebé JSMP monitoriza: 30

Tipu kazu	Tipu kazu	Númeru
Artigu 145 Kódigu Penál (KP) & artigu 2, 3, no 35 letra (b) Lei Kontra Violénsia Doméstika (LKVD)	Ofensa ba integridade fízika simples ho natureza violénsia doméstika no tipu ilísitu sira kona-ba violénsia doméstika	18
Artigu 145 (KP)	Ofensa ba integridade fízika simples	2
Artigu 140 (KP)	Omisídu neglijente	1
Artigu 148 (KP)	Ofensa ba integridade fízika neglijente	1
Artigu 151 (KP)	Ofensa korporál resíproka	1
Artigu 185 (KP)	Violasaun ba domisíliu	1
Artigu 258 (KP)	Danu simples	1
Artigu 207 (KP)	Kondusaun sein karta	5
Totál		30

Rua setubal, Colmera, Dili Timor Leste

PoBox: 275

Telefone: 3323883

www.jsmp.tl

info@jsmp.minihub.org

Facebook: www.facebook.com/timorlestesjsmp

Twitter: @JSMPtl

2. Totál desizaun ne'ebé JSMP monitoriza : 26

Tipu desizaun	Númeru
Suspensaun ba pena prizaun nia ezekusaun - Artigu 68 Kódigu Penál	11
Pena multa tuir artigu 67 Kódigu Penál	7
Omologa dezisténsia keixa	3
Suspensaun ba pena prizaun nia ezekusaun - Artigu 68 Kódigu Penál ho never adisionál	1
Suspensaun ba pena prizaun nia ezekusaun - Artigu 68 Kódigu Penál ho indemnizasaun sivil ba lezadu	1
Omologa dezisténsia keixa no indemnizasaun sivil ba lezada	1
Admoestasaun	2
Totál	26

4. Total kazu sira ne'ebé kontinua prosesu tuir JSMP nia monitorizasaun : 4

B. Deskripsiun sumáriu julgamentu ba desizaun kazu sira

1. Krime ofensa ba integridade fízika simples ho natureza violénsia doméstika

Nú. Prosesu : 0216/17,OESIC
 Kompozisaun Tribunál : Singulár
 Juís : Dr. João Ribeiro
 Prokuradór : Dr. Mateus Nesi
 Defeza : Dr. Marcelino Marques Coro
 : Dr. Inasio Quebo ho Dr. Filipe Landos
 Tipu pena : Pena prizaun tinan 1 suspende ba tinan 1 ho never adisionál

Iha 2 Maiu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu JFC hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 23 Novembro 2017, mai sumenus tuku 9.30 dadeer, arguidu tebe dala 1 iha lezada nia kotuk laran, tebe dala 3 iha lezada nia hirus-matan. Arguidu mós silu lezada nia liman ba kotuk no tebe tan dala 1 iha lezada nia kotuk laran.

Prokuradór akuza arguidu kontra artigu 145 Kódigu Penál (KP) kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3 no artigu 35 letra (b) no artigu 36 Lei Kontra Violénsia Doméstika (LKVD).

Produsaun ba prova

Durante julgamentu arguidu konfesa faktus hotu iha akuzasaun, arguidu deklara katak arrepende ona nia hahalok no durante ne'e arguidu mak suporta lezada eskolah iha universidade Kupang-Indonezia. Depoisde akontesementu ne'e arguidu hakarak diak malu fali ho lezada, maibé lezada nia inan aman mak lakohi no agora dadaun arguidu no lezada separa ona.

Prokuradór husu ba tribunál atu presinde lezada nia deklarasaun, tanba arguidu konfesa faktus hotu iha akuzasaun.

Alegasaun finál

Prokuradór haktuir katak arguidu provadu komete krime hasoru lezada bazeia ba konfisaun arguidu nian. Prokuradór rejista katak kazu violénsia doméstika barak akontese iha Rejiaun Oekusi kompara ho distritu/munisípiu sira seluk. Tanba ne'e husu ba tribunál atu kondena arguidu ho pena prizaun ho ninia ezekusaun suspensaun.

Enkuantu defeza haktuir katak arguidu konfesa, arrepende ona nia hahalok no depoisde akontesementu ne'e arguidu ho inisitiva rasik hakarak diak malu fali ho lezada, maibé lezada nia inan aman mak lakohi. Tanba ne'e husu ba tribunál aplika pena ne'ebé kamaan ba arguidu.

Desizaun

Depoisde avalia faktus provadu sira ne'ebé prodús durante julgamentu, tribunál konklui prosesu ne'e no kondena arguidu ho pena prizaun tinan 1 suspende ba tinan 1 no selu kustu judisiál US\$30.00 ho dever adisionál arguidu tenke husu deskulpa ba lezada iha lezada ninia familia nia oin antes fulan 1. Wainhira arguidu la husu diskulpa ba lezada, tribunál sei revoga tempu suspensaun nian.

2. Krime danu simples

Nú. Prosesu	: 0032/17.OEBCN
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Calisto Tout
Tipu pena	: Dr. Inasio Quebo ho Dr. Filipe Landos : Omologa pedidu dezisténsia keixa

Iha 2 Maiu 2018, Tribunál Distritál Oekusi prezide julgamentu tentativa konsiliausaun ba krime danu simples ne'ebé envolve arguida Laurinda Maia hasoru nia laen Jose Moko Tobe, iha Distritu Oekusi.

Akuzasaun Prokuradór

Prokuradór akuza katak iha 12 Jullu 2017, maisumenus tuku 7.00 dadeer, arguida ho lezadu diskute malu, lezadu diskonfia arguida iha relasaun (*selingkuh*) ho mane seluk, nune'e arguida ho lezadu diskute malu no arguida sunu tiha lezadu nia tais mane 1.

Prokuradór akuza arguida kontra artigu 258 KP kona-ba krime danu simples ho moldura penál to'o tinan 3 ka multa.

Produsaun ba prova sira

Bazeia ba artigu 262 Kódigu Prosesu Penál (KPP) kona-ba tentativa ba konsiliaun, tanba ne'e antes tama ba julgamentu produsaun ba prova, juis husu atu halo tentativa konsiliaun ba arguida no lezadu.

Iha prosesu konsiliaun ne'e, arguida husu desculpa ba lezadu no promete sei la komete tan hahalok hanesan ne'e hasoru lezadu iha futuru. Lezadu konkorda ho pedidu ne'e no husu ba Tribunál atu dezisté ninia-keixa hasoru arguida.

Alegasaun finál

Prokuradór no Defeza apresia ho akordu dame ne'ebé parte rua deside ona no husu ba tribunál atu omologa prosesu ne'e.

Desizaun

Bazeia ba pedidu dezisténsia hosi lezadu no akordu dame entre parte sira, tribunál konklui prosesu ne'e no omologa akordu dame entre parte sira.

3. Krime ofensa ba integridade fízika simples ho natureza violénsia doméstika

Nú. Prosesu	: 0004/18.OESIC
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Marcelino Marques Coro
Tipu pena	: Dr. Inasio Quebo ho Dr. Filipe Landos
	: Pena prizaun tinan 1 fulan 6 no suspende ba tinan 1 fulan 6

Iha 02 Maiu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu CAFC hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 04 Janeiru 2018, maisumenus tuku 10.00 dadeer, arguidu rakut lezada nia fuuk no buti dala 1 iha lezada nia kakorok. Arguidu kontinua kaer lezada nia ulun baku ba parede no rezulta lezada sofre moras. Arguidu ho lezada diskute malu, tanba lezada diskonfia arguidu iha relasaun ho feto seluk husi Atambua Indonezia.

Prokuradór akuza arguidu kontra artigu 145 Kódigu Penál kona-ba ofensa ba integridade física simples ho moldura penál to'o tinan 3 ka multa no konjuga ho artigu 2, 3, 35 letra (b) no artigu 36 LKVD.

Produsaun ba prova

Durante julgamentu, arguidu konfesa faktus hotu iha akuzasaun, arguidu deklara katak arrepende ona nia hahalok no diak malu ona ho lezada. Arguidu hanesan agrikultór ho rendementu kada fulan US\$60.00 no iha oan nain 1.

Prokuradór husu ba tribunál atu presinde lezada nia deklarasaun tanba arguidu konfesa faktus hotu iha akuzasaun.

Alegasaun finál

Prokuradór konsidera arguidu provadu komete krime hasoru lezada bazeia ba konfisaun arguidu nian. Tanba ne'e husu ba tribunál atu kondena arguidu tuir artigu 145 KP.

Iha parte seluk defeza husu ba tribunál atu kondena arguidu ho pena multa, tanba arguidu konfesa faktus hotu iha akuzasaun, arrepende ona nia hahalok, iha oan nain 1 no diak malu ona ho lezada.

Desizaun

Depoisde avalia faktu sira hotu, tribunál konklui katak arguidu provadu komete krime hasoru lezada. Bazeia ba prova sira ne'e, tribunál kondena arguidu ho pena prizaun tinan 1 fulan 6 no suspende ba tinan 1 fulan 6 no selu kustu judisiál US\$20.00.

4. Krime ofensa ba integridade física simples ho natureza violénsia doméstika

Nú. Prosesu	: 0213/17.OESIC
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Calisto Tout
Tipu pena	: Dr. Inasio Quebo ho Dr. Filipe Landos : Pena prizaun tinan 2 no suspende ba tinan 2

Iha 02 Maiu 2018, Tribunál Distritál Oekusi prezide julgamentu leitura sentensa ba krime ofensa ba integridade física simples ho natureza violénsia doméstika ne'ebé envolve arguidu BT hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 19 Dezembru 2017, maisumenus tuku 14.30 lokraik, arguidu lori kadeira masa tuda dala 1 iha lezada nia kabaas loos no ain loos no rezulta lezada sofre kanek kois iha lezada nia ain. Kazu ne'e anexa mós ho relatório médico husi Ospital Referal Oekusi no fotografia husi Polisia-VPU.

Prokuradór akuza arguidu kontra artigu 145 Kódigu Penál kona-ba ofensa ba integridade física simples ho moldura penál to'o tinan 3 ka multa no konjuga ho artigu 2, 3, 35 letra (b) no artigu 36 LKVD.

Produsaun ba prova sira

Iha julgamentu, arguidu konfesa parcialmente ba faktus iha akuzasaun, arguidu deklara katak lori duni kadeira masa tuda lezada, maibé dala 1 de'it no kona iha lezada nia kabaas parte loos. Arguidu arrepende ona nia hahalok no servisu hanesan to'os-nain, laiha rendimento fixu kada fulan. Arguidu reforsa tan katak depoisde akontesementu dame malu kellas ho lezada no ate agora moris hamutuk iha uma de'it no sira iha oan nain 5. Iha parte seluk lezada konfirma faktus hotu iha akuzasaun no deklara katak diak malu ona ho arguidu.

Testemuña LdGT nu'udar lezada ho arguidu nia oan uza direito nonok no lakohi fó ninia depoimento.

Alegasaun finál

Prokuradór konsidera arguidu provadu komete krime hasoru lezada, mezmu arguidu nega faktus balun iha akuzasaun, maibé lezada konfirma ho akuzasaun, nune'e prokuradór konsidera katak krime ne'e akontese duni. Atu prevene arguidu repete tan hahalok hanesan iha futuru, husu ba tribunál aplika pena tuir artigu 145 KP.

Iha parte seluk defeza haktuir katak arguidu deklara deit faktus ne'ebé nia komete no arrepende ona nia hahalok. Aleinde ne'e depoisde akontesementu ne'e ho iniciativa rasik diak malu kellas ho lezada no iha oan nain 5. Tanba ne'e husu ba tribunál aplika pena adekuadu ba arguidu.

Desizaun

Depoisde avalia faktus provadu sira, tribunál konklui prosesu ne'e no kondena arguidu ho pena prizaun tinan 2 no suspende ba tinan 2.

5. Krime ofensa ba integridade física simples ho natureza violénsia doméstika

Nú. Prosesu	: 0026/17.OBCN
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Marcelino Marques Coro
Tipu pena	: Dr. Inasio Quebo ho Dr. Filipe Landos
	: Pena prizaun fulan 6 suspende ba tinan 1

Iha 02 Maiu 2018, Tribunál Distritál Oekusi prezide julgamentu leitura sentensa ba krime ofensa ba integridade física simples ho natureza violénsia doméstika ne'ebé envolve arguida MML hasoru nia laen, iha Distritu Oekusi.

Akuzasaun Prokuradór

Prokuradór akuza katak iha 27 Maiu 2017, maisumenus tuku 16.00 lokraik, arguida lori fatuk kiik tuda lezadu no kona iha lezadu nia ulun no tata dala 1 iha lezadu nia liman kabun loos no

rezulta lezadu sofre kanek kiik iha liman. Kazu ne'e anexa mós ho relatório médico husi ospital no fotografia husi Polísia-VPU.

Antes ne'e iha 17 Maiu 2017, maisumenus tuku 15.00 lokraik, arguida haruka lezadu atu fera aissunu, maibé lezadu lakohi, nune'e arguida ho lezadu diskute malu arguida tebe dala 1 iha lezadu nia hirus matan no basa dala 1 iha lezadu nia hasan karuk no rezulta lezadu sofre moras.

Prokuradór akuza arguida kontra artigu 145 Kódigu Penál kona-ba ofensa ba integridade física simples ho moldura penál to'o tinan 3 ka multa no konjuga ho artigu 2, 3, 35 letra (b) no 36 LKVD.

Produsaun ba prova sira

Durante julgamento, arguida confesa faktus hotu iha akuzasaun no deklara katak arrepende ona nia hahalok. Arguida laiha rendimentu fixu kada fulan no iha oan nain 2 no promete sei la komete tan krime hasoru lezadu ka ema seluk iha futuru, depoisde akontesementu ne'e diak malu kellas ho lezadu.

Prokuradór husu ba tribunál atu presinde lezadu nia deklarasaun, tanba arguida confesa faktus hotu iha akuzasaun.

Alegasaun finál

Prokuradór haktuir katak arguida provadu komete krime violénsia doméstika hasoru nia laen no arguida iha intensaun maka'as atu baku nia laen. Tanba ne'e husu ba tribunál aplika pena tuir artigu 145 KP.

Iha parte seluk defeza haktuir katak, arguida confesa, arrepende ona nia hahalok no promete sei la komete tan krime hanesan iha futuru no depoisde akontesementu ne'e diak malu ona ho arguidu no agora dadaun hela hamutuk iha uma ida. Tanba ne'e husu ba tribunál atu kondena arguida ho pena admoestasaun.

Desizaun

Depoisde avalia faktus ne'ebé produs durante julgamento, tribunál konklui prosesu ne'e no kondena arguida ho pena prizaun fulan 6 no suspende ba tinan 1.

6. Krime ofensa ba integridade física simples ho natureza violénsia doméstika

Nú. Prosesu	: 0031/17.OEBCN
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Calisto Tout
Tipu pena	: Dr. Inasio Quebo & Dr. Filipe Landos
	: Pena admoestasaun

Iha 2 Maiu 2018, Tribunál Distritál Oekusi prezide julgamentu leitura sentensa ba krime ofensa ba integridade física simples ho natureza violénsia doméstika ne'ebé envolve arguida LM hasorunia laen, iha Distritu Oekusi.

Akuzasaun Prokuradór

Prokuradór akuza katak iha 9 Jullu 2017, maisumenus tuku 20.00 kalan, arguida lori sinelus baku dala 3 iha lezadu nia kelen sorin karuk. Arguida kontinua foti tudik, maibé lezadu hadau tiha tudik husi arguida, no tudik konsege kona iha lezadu ninia liman no rezulta kanek no ran. Akontesementu ne'e halo labarik sira tanis no tauk, no lezadu konsege halo tratamento iha Sentru Saude Baoknana.

Prokuradór akuza arguida kontra artigu 145 KP kona-ba ofensa ba integridade física simples ho moldura penál to'o tinan 3 ka multa no konjuga ho artigu 2, 3 no artigu 35 letra (b) no artigu 36 LKVD.

Produsaun ba prova sira

Durante julgamentu arguida konfesa parsial ba faktus iha akuzasaun, arguida deklara katak iha akontesementu ne'e arguida kaer duni tudik, no tudik ne'e arguida uza atu fera bua. Arguida mós deklara katak lezadu fila ba uma ho kondisaun lanu todan, hakarak foti tudik ne'ebé arguida kaer hela, no sira hadau malu nune'e rezulta lezadu ninia liman kanek no ran sai barak. Enkuantu kona-ba arguida lori sinelus baku dala 3 iha lezadu nia kelen, arguida konfesa no deklara katak arrepende ona ninia hahalok. Arguida deklara katak depoisde ba hatan tiha iha kantor polisia no wainhira fila fali ba uma diak malu kedes ho lezadu.

Aleinde ne'e lezadu mós deklara katak iha akontesementu ne'e lezadu fila ho kondisaun lanu no hare arguida hirus no baku sira nia oan, nune'e lezadu hakarak foti tiha tudik ne'ebé arguida uza hodi fera bua no kona fali lezadu nia liman no rezulta kanek no ran sai barak.

Alegasaun finál

Prokuradór haktuir katak, mezmu arguida nega faktus balun iha akuzasaun no lezadu mós konfirma ho arguida nia deklarasaun, prokuradór konsidera arguida provadu komete krime hasoru lezadu. Atu prevene arguida la repete tan hahalok hanesan iha futuru, husu ba tribunál atu kondena arguida tuir artigu 145 KP.

Enkuantu defeza haktuir katak arguida deklara deit faktus ne'ebé arguida komete no reforsa mós hosi lezadu, arrepende ona nia hahalok. Tanba ne'e husu ba tribunál aplika pena ne'ebé adekuadu ba arguida.

Desizaun

Depoisde avalia faktus provadu sira, ne'ebé prodús durante julgamentu, Tribunál konklui prosesu ne'e no kondena arguida ho pena admoestasaun.

7. Krime ofensa ba integridade física simples ho natureza violénsia doméstika

Nú. Prosesu	: 0033/17.OEBCN
Kompozisaun Tribunál	: Singulár
Juis	: Dr. João Ribeiro

Prokuradór	: Dr. Mateus Nesi
Defeza	: Dr. Marcelino Marques Coro
	: Dr. Inasio Quebo ho Dr. Filipe Landos
Tipu pena	: Pena prizaun tinan 1 fulan 6 suspende tinan 1 fulan 6

Iha 2 Maiu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu FQ hasoru nia feen, iha Distritu Oekusi.

Akuzasaun Prokuradór

Prokuradór akuza katak iha data ne'ebé la apuradu maibé iha tinan 2017, maisumenus tuku 8.00 dadeer, arguidu lori bebak baku dala barak iha lezada nia kotuk laran, kontinua basa dala 2 iha lezada nia hasan sorin loos no karuk. Kazu ne'e anexa mós ho relatorio médiku hosi ospital no fotografia hosi polisia-VPU.

Prokuradór akuza arguidu kontra artigu 145 KP kona-ba krime ofensa ba integridade fízika simples ho moldura penál to'o tinan 3 ka multa no konjuga ho artigu 2, 3 no artigu 35 letra (b) no artigu 36 LKVD.

Produsaun ba prova sira

Durante julgamentu arguidu konfesa faktus hotu iha akuzasaun, arguidu deklara katak arrepende ona nia hahalok, depoisde akontesementu ne'e liu tiha semana 1 iha lezada ninia inan aman nia uma arguidu husu desculpa ba lezada. Iha parte seluk lezada konfirma faktus hotu iha akuzasaun no deklara katak depoisde akontesementu ne'e arguidu husu ona desculpa ba lezada no to'o agora arguidu la baku ona lezada.

Alegasaun finál

Prokuradór haktuir katak arguidu provadu komete krime hasoru lezada bazeia ba konfisaun arguidu nian no deklarasaun hosi lezada. Atu prevene no evita arguidu repete tan hahalok hanesan hasoru lezada iha futuru, husu ba tribunál atu aplika pena tuir artigu 145 KP.

Enkuantu defeza husu ba tribunál atu konsidera mós sirkunstânsia atenuantes sira hanesan, arguidu konfesa, arrepende ona nia hahalok no depoisde akontesementu ne'e arguidu ho inisiativa rasik husu ona desculpa ba lezada. Tanba ne'e husu ba tribunál aplika pena ne'ebé adekuadu ba arguidu.

Desizaun

Depoisde avalia faktus provadu sira, Tribunál konklui prosesu ne'e no kondena arguidu ho pena prizaun tinan 1 fulan 6 suspende ba tinan 1 fulan 6.

8. Krime ofensa ba integridade fízika simples ho natureza violénsia doméstika

Nú. Prosesu	: 0182/15.OESIC
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Calisto Tout

Tipu pena

Dr. Inasio Quebo ho Dr. Filipe Landos
: Pena admoestasaun

Iha 3 Maiu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguida SdJX hasoru nia oan mane nain 2 lezadu SSG (tinan 6) no lezadu EGG (tinan 8).

Akuzasaun Prokuradór

Prokuradór akuza katak iha 15 Dezembru 2015, maisumenus tuku 9.30 dadeer, arguida lori ai-reo nia sanak baku dala 1 iha lezadu SSG nia ain parte loos, tebe dala 3 iha lezadu SSG nia kidun no rezulta lezadu monu ba rai. Aleinde ne'e arguida mós rasta lezadu EGG ne'ebé tuur hela iha motor leten halo lezadu monu ba rai no rezulta lezadu sofre moras, kanek no ran iha lezadu nia ain-tuur sorin karuk no loos. Lezadu sira konsege halo tratamentu iha PRADET.

Prokuradór akuza arguida kontra artigu 145 KP kona-ba krime ofensa ba integridade fízika simples ho moldura penál to'o tinan 3 ka multa no konjuga ho artigu 2, 3 no artigu 35 letra (b) no artigu 36 LKVD.

Produsaun ba prova sira

Durante julgamentu, arguida la marka prezensa, mezmu tribunál fó ona notifikasiadaun. Iha parte seluk arguida ninia laen AdC deklara katak, depoisde akontesementu ne'e arguida ho nia laen separa ona no agora dadaun arguida hela iha Dili, maibé la hatane arguida hale iha parte ne'ebé. Iha parte seluk lezadu EGG, wainhira juis husu kona-ba saida mak akontese ba lezadu sira, lezadu EGG dehan katak arguida baku lezadu EGG no rasta monu lezadu SSG hosi motor leten. Lezadu EGG mós dehan ba tribunál katak arguida husik hela sira tinan 3 ona. Enkuantu ba lezadu SSG tribunál presinde nia deklarasaun tanba idade sei kiik (tinan 6).

Alegasaun finál

Prokuradór haktuir katak arguida la marka prezensa no testemuña ne'ebé hanesan mós arguida nia laen la hatene kona-ba lezada ninia hela fatin iha Dili. Mezmu nune'e prokuradór konsidera arguida povadu komete krime hasoru lezadu nain rua bazeia ba arguida ninia deklarasaun antes iha prokuradór nia fatin. Iha momentu ne'eba arguida konfesa katak nia komete duni krime ne'e. Tanba ne'e husu ba tribunál atu kondena arguida tuir artigu 145 KP.

Enkuantu defeza haktuir katak, mezmu arguida la marka prezensa iha julgamentu ne'e, maibé bazeia ba deklarasaun prokuradór nian katak antes ne'e iha prokuradór nia fatin arguida konfesa no arrepende ona nia hahalok. Tanba ne'e husu ba tribunál aplika pena ne'ebé adekuadu ba arguida.

Desizaun

Depoisde avalia faktu provadu sira, tribunál konklui prosesu ne'e no kondena arguida ho pena admoestasaun.

9. Krime ofensa ba integridade fízika simples ho natureza violénsia doméstika

Nú. Prosesu	: 0203/17.OESIC
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Calisto Tout
	Dr. Inasio Quebo ho Dr. Filipe Landos
Tipu pena	: Pena multa

Iha 3 Maiu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu JL hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 22 Outobru 2017, maisumenus tuku 9.00 dadeer, arguidu hoлезада atu ba ateru uma fatin iha Oeupun. Iha dalam klaan arguidu kabun moras, nune'eлезада dehan ba arguidu “se ó nia kabun moras diak liu ita fila deit ona”. Arguidu la simu hoлезада nia liafuan ne'e arguidu lori ai-kabuar tuda dala 1 iha leizada nia liman no rezulta leizada sofre moras iha liman.

Prokuradór akuza arguidu kontra artigu 145 KP kona-ba krime ofensa ba integridade fizika simples ho moldura penál to'o tinan 3 ka multa.

Produsaun ba prova sira

Durante julgamentu, arguidu konfesa faktus hotu iha akuzasaun, arguidu deklara katak arrepende ona nia hahalok no promete sei la komete tan krime hanesan iha futuru. Depoisde akontesementu ne'e fila husi kantor polisia arguidu hoлезада diak malu kadas. Iha parte seluk leizada konfirma ho faktus sira iha akuzasaun, no deklara katak depoisde akontesementu ne'e arguidu la baku ona leizada no sira diak malu ona.

Alegasaun finál

Prokuradór konsidera arguidu provadu komete krime hasoru leizada bazeia ba konfisaun arguidu nian no deklarasaun hosi leizada. Atu prevene arguidu repete tan hahalok hanesan hasoru leizada iha futuru husu ba tribunál atu aplika pena tuir artigu 145 KP.

Enkuantu defeza husu ba tribunál atu kondena arguidu ho pena ne'ebé adekuadu, tanba arguidu konfesa, arrepende ona nia hahalok no promete sei la komete tan krime hasoru leizada ho membru familia sira seluk iha futuru.

Desizaun

Depoisde avalia faktus provadu sira ne'ebé prodús durante julgamentu, Tribunál konklui prosesu ne'e no kondena arguidu ho pena multa US\$60.00 ne'ebé sei selu 0.50 sentavus kada loron durante loron 120. Tribunál fiksa mós pena alternativa durante loron 120 prizaun, wainhira arguidu la kumpri pena multa refere.

10. Krime kondusaun sein karta

Nú. Prosesu	: 0037/17. OESTAR
kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Calisto Tout
	Dr. Inasio Quebo ho Dr. Filipe Landos
Tipu pena	: Pena multa

Iha 3 Maiu 2018, Tribunál Distritál Oekusi prezide julgamento leitura sentensa ba krime kondusaun sein karta ne'ebé envolve arguidu Camilio Sequeira Sila hasoru Estadu RDTL, iha Distritu Oekusi.

Akuzasaun Prokuradór

Prokuradór akuza katak iha 27 Jullu 2017, maisumenus tuku 8.00 dadeer, arguidu lori motor liuhosi dalan públiku hosi merkadu atu fila ba uma. Wainhira to'o iha dalan klaran polisia pasa revista no hetan katak arguidu laiha karta kondusaun.

Prokuradór akuza arguidu kontra artigu 207 KP kona-ba krime kondusaun sein karta ho moldura penál to'o tinan 2 ka multa.

Produsaun ba prova sira

Durante julgamento arguidu konfesa faktus hotu iha akuzasaun, arguidu deklara katak lori motor tinan 3 ona, arrepende ona nia hahalok no depoisde akontesementu ne'e trata ona karta kondusaun.

Alegasaun finál

Prokuradór konsidera arguidu provadu komete krime kondusaun sein karta bazeia ba konfisaun arguidu nian. Tanba ne'e husu ba tribunál atu aplika pena tuir artigu 207 KP.

Enkuantu defeza husu ba tribunál atu aplika pena ne'ebé adekuadu ba arguidu ho konsideraun katak, arguidu konfesa, arrepende ona nia hahalok no depoisde akontesementu ne'e trata ona karta kondusaun.

Desizaun

Tribunál konkui prosesu ne'e no kondena arguidu ho pena multa US\$75.00 ne'ebé sei selu 0.50 sentavus kada loron durante loron 150. Tribunál fiksa mós pena alternativa durante fulan 5 prizaun, wainhira arguidu la kumpri pena multa refere.

11. Krime ofensa ba integridade fízika simples ho natureza violénsia doméstika

Nú. Prosesu	: 0227/17, OESIC
Kompozisaun Tribuná	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Marcelino Marques Coro

Dr. Inasio Quebo ho Dr. Filipe Landos
: Pena multa

Iha 4 Maiu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu FdC hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 12 Dezembru 2017, maisumenus tuku 18.00 lokraik, iha edifisiu Timor Telekom, arguidu basa dala 1 iha lezada nia hasan sorin karuk, lori kapasete baku dala 1 iha lezada nia oin, no arguidu mós haruka lezada atu fila ba uma, tanba loron tolu ona lezada lori motor sai husi uma. Depoisde haruka lezada fila arguidu mós ho motor tuir kedes lezada hosi kotuk. Wainhira arguidu ho lezada to uma, arguidu kontinua lori kapasete baku dala 5 iha lezada ninia ulun, rasta lezada husi liur tama ba uma laran, xave odamatan no kontinua tuku dala 3 iha lezada nia ulun, tebe dala 1 iha kanuruk, kontinua tuku dala 2 iha kotuk laran.

Prokuradór akuza arguidu kontra artigu 145 KP kona-ba krime ofensa ba integridade fízika simples ho moldura penál to'o tinan 3 ka multa no konjuga ho artigu 2, 3 no artigu 35 letra (b) no artigu 36 LKVD.

Produsaun ba prova sira

Durante julgamentu, arguidu konfesa parsial ba faktus iha akuzasaun katak iha akontesementu ne'e arguidu la uza kapasete baku iha lezada nia oin, arguidu so basa deit dala 1 iha lezada nia hasan sorin karuk. Wainhira to uma arguidu la rasta lezada, maibé kaer deit lezada nia liman no haruka lezada tama ba uma laran. Arguidu rekoñese katak nia uja xave baku dala 3 deit no la tebe iha lezada nia kanuruk no la tuku iha lezada nia kotuk laran.

Iha parte seluk lezada deklara katak iha akontesementu ne'e, arguidu basa dala 1 iha lezada nia hasan, basa dala 2 iha lezada nia ulun maibé kona deit iha kapasete. To'o iha uma arguidu dada lezada tama ba uma laran, xave odamatan no lori kapasete baku dala 5 iha lezada nia ulun, Depoisde akontesementu ne'e arguidu komete tan krime hasoru lezada. Mesmu nune'e lezada deklara katak agora dadauk moris hamutuk hanesan feen ho laen hanesan baibain.

Alegasaun finál

Prokuradór haktuir katak arguidu provadu komete krime hasoru lezada, no kazu violénsia doméstika barak akontese iha Rejiaun Oekusi kompara ho distritu/munisípiu sira seluk. Tanba ne'e husu ba tribunál atu aplika pena prizaun suspende ninia ezekusaun ho tinan ne'ebé boot.

Enkuantu defeza haktuir katak arguida deklara parsial ba faktus ne'ebé akuza ba arguidu, arrepende ona nia hahalok no promete sei la komete tan krime hasoru lezada ho membru familia sira seluk iha futuru. Tanba ne'e husu ba tribunál aplika pena ne'ebé adekuadu ba arguidu.

Desizaun

Depoisde avalia faktus provadu sira, tribunál konklui prosesu ne'e no kondena arguidu ho pena multa US\$180.00 ne'ebé sei selu US\$1.00 kada loron durante loron loron 180. Tribunál fiksa mós pena alternativa durante fulan 8 prizaun, wainhira arguidu la kumpri pena multa refere.

12. Krime ofensa korporál resíproka

Nú. Prosesu	: 0060/17.OEPMK
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Calisto Tout
	: Dr. Inasio Quebo ho Dr. Filipe Landos
Tipu pena	: Omologa pedidu dezisténsia keixa

Iha 09 Maiu 2018, Tribunál Distritál Oekusi prezide julgamentu tentativa konsiliaсаun ba krime ofensa korporál resíproka ne'ebé envolve arguida FS hasoru nia laen DB, iha Distritu Oekusi.

Akuzasaun Prokuradór

Prokuradór akuza katak iha 25 Dezembru 2017, maizumenus tuku 07.00 dadeer, arguida dada tun lezadu nia tais mane hodi kauza lezadu hamrik molik no tata dala 1 iha lezadu nia kabaas parte loos no rezulta lezadu sofre kanek kiik iha lezadu nia kabaas. Nune'e arguidu tuku dala 1 iha lezada nia kanuruk no rezulta lezada sofre moras. Kazu ne'e akontese lezada ho arguidu diskute malu kona-ba nesesidade uma laran nian.

Prokuradór akuza arguida kontra artigu 151 Kódigu Penál kona-ba ofensa korporál resíproka ho moldura penál to'o tinan 2 ka multa.

Produsaun ba prova sira

Bazeia ba artigu 262 Kódigu Prosesu Penál (KPP) kona-ba tentativa ba konsiliaсаun, nune'e antes tama ba julgamentu produsaun ba prova, juis husu atu halo tentativa konsiliaсаun ba arguida no lezadu.

Iha prosesu konsiliaсаun ne'e, arguida ho lezadu husu desculpa ba malu no arrepende ona sira nia hahalok no promete sei la komete tan krime hanesan iha futuru no husu ba tribunál atu deziste tiha keixa ne'e.

Alegasaun finál

Prokuradór no Defeza apresia akordu dame ne'ebé parte rua deside ona no husu ba Tribunál atu omologa prosesu ne'e.

Desizaun

Bazeia ba akordu hosi parte rua no pedidu dezisténsia hosi lezada, tribunál konklui prosesu ne'e no omologa akordu dame entre parte sira.

13. Krime kondusaun sein karta

Nú. Prosesu	: 0060/17.OESTR
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi

Defeza	: Dr. Calisto Tout
	: Dr. Inasio Quebo ho Dr. Filipe Landos
Tipu pena	: Pena multa

Iha 09 Maiu 2018, Tribunál Distritál Oekusi prezide julgamento leitura sentensa ba krime kondusaun sein karta ne'ebé envolve arguidu Ricars Matos hasoru Estadu RDTL, iha Distritu Oekusi.

Akuzasaun Prokuradór

Prokuradór akuza katak iha 19 Dezembru 2017, maisumenus tuku 09.30 dadeer, arguidu lori motor iha dalan públiku hosi área Oebau atu ba merkadu Numbey. Wainhira polisia pasa revista no hetan katak arguidu la iha karta kondusaun.

Prokuradór akuza arguidu kontra artigu 207 Kódigu Penál kona-ba krime kondusaun sein karta ho moldura penál too tinan 2 ka multa.

Produsaun ba prova sira

Arguidu konfesa faktus hotu iha akuzasaun no deklara katak arrepende ona nia hahalok no foin primeira-vez mai hatan iha tribunál. Arguidu hatutan tan katak hahalok hanesan ne'e ladiak no kontra lei Timor, arguidu servisu iha restorante ho rendimentu kada fulan US\$155.00 no depoisse akontesementu ne'e trata ona karta kondusaun.

Tanba arguidu konfesa faktus hotu iha akuzasaun Prokuradór husu ba tribunál atu presinde testemuña nia depoimentu.

Alegasaun finál

Prokuradór konsidera arguidu provadu komete krime kondusaun sein karta bazeia ba konfisaun arguidu nian. Aliende ne'e kada fulan kazu ne'e sempre akontese no rejista aas iha Regiaun Oekusi. Tanba ne'e husu ba tribunál aplika pena multa ba arguidu.

Enkuantu Defeza hatuir katak arguidu konfesa faktus hotu no arrepende ona nia hahalok no depoisse akontesementu ne'e arguidu trata ona karta kondusaun. Tanba ne'e husu ba tribunál aplika pena ne`ebé kmaan ba arguidu.

Desizaun

Depoisde avalia faktu sira hotu, tribunál konklui prosesu ne'e no kondena arguidu ho pena multa US\$75.00 ne`ebé sei selu 0,50 sentavus kada loron durante loron 150. Tribunál mós fiksa pena alternativa durante loron 100 prizaun, wainhira arguidu la kumpri pena multa refere.

14. Krime ofensa ba integridade fízika negligente

Nú. Prosesu	: 0042/17.OEPMK
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Marcelino Marques Coro

Tipu pena : Dr. Inasio Quebo ho Dr. Filipe Landos
leizada : Omologa pedidu dezisténsia keixa no indemnizasaun sivil ba

Iha 09 Maiu 2018, Tribunál Distritál Oekusi prezide julgamentu tentativa konsiliaсаun ba krime ofensa ba integridade fízika negligente ne'ebé envolve arguidu Juliano Taec hasoru leizada Cristiana Suni, iha Distritu Oekusi.

Akuzasaun Prokuradór

Prokuradór akuza katak iha 04 Abril 2017, maisumenus tuku 09.00 dadeer, arguidu lori motor ojek tula leizada iha área Palaban atu ba Maquelab. Wainhira iha dalan klaran hasoru kareta kamioneta ida halai okupa hotu estrada, nune'e arguidu tenta ses hosi kamioneta no halai tuir estrada ninin no rezulta arguidu soke trotoar, leizada monu ba rai no baku ulun iha alkatraun. Iha asidente ne'e kapasete ne'ebé leizada uza monu sai, nune'e rezulta leizada sofre kanek iha kanuruk, ulun parte karuk no liman parte loos no karuk.

Prokuradór akuza arguidu kontra artigu 148 Kódigu Penál kona-ba krime ofensa ba integridade fízika negligente ho moldura penál too tinan 1 ka multa.

Produsaun ba prova

Bazeia ba artigu 262 Kódigu Prosesu Penál (KPP) kona-ba tentativa ba konsiliaсаun, nune'e antes tama ba julgamentu produsaun ba prova, juis husu atu halo tentativa konsiliaсаun ba arguidu no leizada.

Iha prosesu konsiliaсаun ne'e, leizada hakarak dame malu de'it no dada fali nia-keixa maibé ho kondisaun katak arguidu tenke fó indemnizasaun sivil ho osan US\$100.00, ba leizada. Arguidu konkorda ho leizada nia pedidu ne'e, no deklara katak arrepende ona nia hahalok no promete katak sei la repete tan hahalok hanesan iha futuru. Nune'e leizada husu ba tribunál atu dezisté ninia-keixa hasoru arguidu.

Alegasaun finál

Prokuradór no Defeza apresia akordu dame ne'ebé parte rua deside ona no husu ba tribunál atu omologa prosesu ne'e.

Desizaun

Bazeia ba akordu hosi parte rua no pedidu dezisténsia hosi leizada, tribunál konklui prosesu ne'e no omologa akordu dame entre parte sira, no indemnizasaun sivil ba leizada ho osan US\$100.00.

15. Krime kondusaun sein karta

Nú. Prosesu	: 0063/17.OESTR
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Calisto Tout : Dr. Inasio Quebo ho Dr. Filipe Landos

Tipu pena : Pena multa

Iha 09 Maiu 2018, Tribunál Distritál Oekusi prezide julgamentu leitura sentensa ba krime kondusaun sein karta ne'ebé envolve arguidu Paulo Colo hasoru Estadu RDTL, iha Distritu Oekusi.

Akuzasaun Prokuradór

Prokuradór akuza katak iha 19 Dezembru 2017, maizumenus tuku 09.30 dadeer, arguidu kondús motor ho marka Honda Revo iha dalan publiku no laiha xapa matrikula hosi área Masin atu ba Padimau. Wainhira to'o iha dalan klaran polisia pasa revista no hetan katak arguidu laiha karta kondusaun.

Prokuradór akuza arguidu kontra artigu 207 Kódigu Penál kona-ba krime kondusaun sein karta ne'ebé ho moldura penál too tinan 2 ka multa.

Produsaun ba prova sira

Arguidu konfesa faktus hotu iha akuzasaun no deklara katak arepende ona nia hahalok. Arguidu foim primeira-vez mai hatan iha tribunál no hatene hahalok hanesan ne'e ladiak no kontra lei Timor. Arguidu servisu hanesan to'os-na'in ho rendimentu kada fulan US\$40.00. Depoisde akontesementu ne'e trata ona karta kondusaun no iha oan nain 3.

Tanba arguidu konfesa faktus hotu iha akuzasaun, prokuradór husu ba tribunál atu presinde testemuña nia depoimentu.

Alegasaun finál

Prokuradór konsidera katak arguidu provadu komete krime kondusaun sein karta tanba arguidu rasik konfesa no kada fulan kazu ne'e sempre akontese no rejista aas iha Regiaun Oekusi. Tanba ne'e husu ba tribunál aplika pena multa ba arguidu.

Enkuantu defeza haktuir katak arguidu konfesa, arrepende ona nia hahalok no responsabilidade ba ona ne'ebé sei eskola. Tanba ne'e husu ba tribunál aplika pena ne'ebé adekuadu ba arguidu.

Desizaun

Bazeia ba faktus sira ne'ebé produs durante julgamentu, tribunál konklui prosesu ne'e no kondena arguidu ho pena multa US\$60.00 ne'ebé sei selu 0.50 sentavus kada loron durante loron 120. Tribunál mós fiksa pena alternativa durante loron 80 prizaun, wainhira arguidu la kumpri pena multa refere.

16. Krime kondusaun sein karta

Nú. Prosesu	: 0061/17.OESTR
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Calisto Tout : Dr. Inasio Quebo ho Dr. Filipe Landos

Tipu pena : Pena multa

Iha 09 Maiu 2018, Tribunál Distritál Oekusi prezide julgamentu leitura sentensa ba krime kondusaun sein karta ne'ebé envolve arguidu Mateus Daos hasoru Estadu RDTL, iha Distritu Oekusi.

Akuzasaun Prokuradór

Prokuradór akuza katak iha 19 Dezembru 2017, maizumenus tuku 09.30 dadeer, arguidu kondus motor ho marka Honda Win 100 iha dalan públiku area Padimau atu ba Sakato. Wainhira Polisia pasa revista no hetan katak arguidu laiha karta kondusaun.

Prokuradór akuza arguidu kontra artigu 207 Kódigu Penál kona-ba krime kondusaun sein karta ho moldura penál too tinan 2 ka multa.

Produsaun ba prova sira

Iha julgamento, arguidu konfesa faktus hotu iha akuzasaun no deklara katak arrepende ona nia hahalok, no foin primeira-vez mai hatan iha tribunál. Arguidu hatutan tan katak hahalok hanesan ne'e ladiak no kontra lei Timor no arguidu dezempregadu nune'e laiha rendementu fixu kada fulan. Arguidu hatene lori motor maizumenus fulan 6 ona no depoisde akontesemntu ne'e trata ona karta kondusaun.

Tanba arguidu konfesa faktus hotu iha akuzasaun, Prokuradór husu ba tribunál atu presinde testemuña nia depoimentu.

Alegasaun finál

Prokuradór konsidera arguidu provadu komete krime kondusaun sein karta bazeia ba konfisaun arguidu nian. Tanba ne'e husu ba tribunál atu aplika pena multa ba arguidu bazeia ba artigu 207 KP.

Enkuantu Defeza haktuir katak arguidu konfesa faktus hotu no arrepende ona nia hahalok. Arguidu laiha rendimento fixu kada fulan, no depoisde akontesementu ne'e trata ona karta kondusaun. Tanba ne'e husu ba tribunál aplika pena ne'ebé adekuadu ba arguidu.

Desizaun

Depoisde avalia faktus ne'ebé produs durante julgamento, tribunál konklui prosesu ne'e no kondena arguidu ho pena multa US\$75.00 ne'ebé sei selu 0.50 sentavus kada loron durante loron 150. Tribunál mós fiksa pena alternativa durante loron 100 prizaun, wainhira arguidu la kumpri pena multa refere.

17. Krime ofensa ba integridade fízika simples ho natureza violénsia doméstika

Nú. Prosesu	: 0023/17.OEPSB
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Marcelino Marques Coro

Tipu pena : Dr. Inasio Quebo ho Dr. Filipe Landos
: Pena prizaun tinan 1 no suspende ba tinan 1

Iha 15 Maiu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu JL hasoru nia feen JT ho nia oan feto JM no JC, iha Distritu Oekusi.

Akuzasaun Prokuradór

Prokuradór akuza katak iha 13 Outubru 2017, maizumenus tuku 18.00 lokraik, arguidu basa dala 1 iha lezada JT nia kanuruk. Aleinde ne'e arguidu lori ai-sukaer nia sanak kiik baku dala 1 iha iha lezada JM nia kabaas no baku dala 1 iha lezada JC nia kabaas no rezulta lezada sira sofre moras.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3 no artigu 35 letra (b) no artigu 36 LKVD.

Produsaun ba prova sira

Iha julgamentu arguidu konfesa faktus hotu iha akuzasaun, arguidu mós deklara katak arrepende ona nia hahalok, servisu hanesan to'os-na'in, laiha rendementu fixu kada fulan no iha oan nain 4. Arguidu foin primeira-vez mai hatan iha tribunál no diak malu ona ho lezada sira no agora dadaun moris hamutuk iha uma 1.

Prokuradór husu ba tribunál atu presinde lezada sira nia deklarasaun, tanba arguidu konfesa faktus hotu iha akuzsaun.

Alegasaun finál

Prokuradór konsidera arguidu provadu komete krime hasoru lezada bazeia ba konfisaun arguidu nian, no kazu violénsia doméstika barak liu akontese iha Rejiaun Oekusi kompara ho distritu/munisípiu sira seluk. Tanba ne'e husu ba tribunál atu kondena arguidu tuir pena ne'ebé hakerek ona iha artigu 145 KP.

Iha parte seluk defeza husu ba tribunál atu kondena arguidu ho pena ne'ebé adekuadu ho konsiderasaun sira katak arguidu konfesa no arrepende ona nia hahalok no foin primeira-vez mai hatan iha tribunál no iha responsabilidade ba oan nain 4.

Desizaun

Depoisde avalia faktu sira hotu, tribunál konklui katak arguidu provadu komete krime hasoru lezada sira. Bazeia ba prova sira ne'e, tribunál kondena arguidu ho pena prizaun tinan 1 suspende ba tinan 1.

18. Krime ofensa ba integridade fízika simples

Nú. Prosesu	: 0026/17.OEPSB
Kompozisaun Tribunál	: Singulár
Juis	: Dr. João Ribeiro

Prokuradór	: Dr. Mateus Nesi
Defeza	: Dr. Marcelino Marques Coro
	: Dr. Inasio Quebo ho Dr. Filipe Landos
Tipu pena ba lezadu	: Pena prizaun tinan 1 suspende ba tinan 2 no indemnizasaun sivil ba lezadu

Iha 15 Maiu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ne'ebé envolve arguidu Natercio Colo hasoru lezadu Ananias, iha Distritu Oekusi.

Akuzasaun Prokuradór

Prokuradór akuza katak iha 11 Novembru 2017, maisumenus tuku 10.00 dadeer, arguidu buti dala 1 iha lezadu nia kakorok no riba lezadu ba rai no rezulta lezadu sofre kanek kois iha lezadu nia kakorok. Kazu ne'e akontese tanba lezadu taa ai iha arguidu nia baliza sein kuñesementu arguidu nian.

Prokuradór akuza arguidu kontra artigu 145 Kódigu Penál kona-ba ofensa ba integridade fízika simples ho moldura penál to'o tinan 3 ka multa.

Produsaun ba prova

Iha julgamentu, arguidu konfesa faktus hotu iha akuzasaun no arguidu mós deklara katak komete aktu ne'e hasoru lezadu, tanba lezadu taa ninia ai iha baliza sein kuñesementu arguidu nian. Arguidu servisu hanesan to'os-na'in laiha rendementu fixu kada fulan no iha oan nain 4.

Prokuradór husu ba tribunál atu presinde lezadu nia deklarasaun, tanba arguidu konfesa faktus hotu iha akuzasaun.

Alegasaun finál

Prokuradór konsidera arguidu provadu komete krime hasoru lezadu bazeia ba konfisaun arguidu nian. Tanba ne'e husu ba tribunál atu kondena arguidu tuir pena ne'ebé hakerek ona iha artigu 145 KP.

Enkuantu defeza haktuir katak arguidu konfesa faktus hotu iha akuzasaun no aktu ne'e akontese tanba lezadu ta'a ai iha sira nia baliza sein kuñesementu husi arguidu no tuir loloops antes taa ai tenke fo hatene ba arguidu. Arguidu kolabora diak ho tribunál no iha oan nain 4, husu ba tribunál atu aplika pena ne'ebé adekuadu ba arguidu.

Desizaun

Tribunál konkui prosesu ne'e no kondena arguidu ho pena prizaun tinan 1 suspende ba tinan 2. Aleinde ne'e, tribunál mós kondena arguidu atu fó indemnizasaun sivil ba lezadu ho montante osan US\$50.00 antes fulan 1.

19. Krime ofensa ba integridade fízika simples ho natureza violénsia doméstika

Nú. Prosesu	: 0014/17.OEOSL
Kompozisaun Tribunál	: Singulár

Juis	: Dr. João Ribeiro
Prokuradór	: Dr. Mateus Nesi
Defeza	: Dr. Calisto Tout
	: Dr. Inasio Quebo ho Dr. Filipe Landos
Tipu pena	: Pena prizaun fulan 6 suspende ba tinan 1

Iha 16 Maiu 2018, Tribunál Distritál Oekusi prezide julgamentu leitura sentensa ba krime ofensa ba integridade física simples ho natureza violénsia doméstika ne'ebé envolve arguida MFJC hasoru nia laen, iha Distritu Oekusi.

Akuzasaun Prokuradór

Prokuradór akuza katak iha 30 Agosto 2017, maisumenus tuku 05.00 dadeer, arguida ho lezadu diskute malu kona-ba lezadu lori motor ba ojek loron tomak la fila ba uma. Arguidu foin fila iha dader, nune'e arguida lori tudik koa modo nian sona dala 1 iha lezadu nia kotuk laran no rezulta lezadu sofre kanek kois iha lezadu nia kotuk laran. Kazu ne'e aneksa mós ho relatório mediku husi Sentru Saude Oesilo no fotografia husi Polisia-VPU.

Prokuradór akuza arguida kontra artigu 145 Kódigu Penál kona-ba ofensa ba integridade física simples ho moldura penál to'o tinan 3 ka multa no konjuga ho artigu 2, 3 no artigu 35 letra (b) no 36 LKVD.

Produsaun ba prova sira

Iha julgamentu, arguida konfesa parsialmente ba faktus iha akuzasaun no deklara katak, wainhira lezadu fila ba uma arguida kaer hela tudik ko'a hudi atu sona. Arguida la sona lezadu ho tudik, maibé arguida ho lezada diskute malu deit, tanba lezadu lori ojek loron tomak la tama uma no foin fila fali ba uma iha dader. Wainhira arguida husu osan ojek nian ba lezadu maibé lezadu la fó. Arguida mós deklara katak depoisde akontesementu ne'e separa ona ho lezadu. Iha parte seluk lezadu konfirma faktus hotu iha akuzasaun.

Bazeia ba deklarasau arguida nian no konfirmasaun hosi lezada, tribunál halo akareasaun ba lezadu no arguida, no iha akareasaun ne'e arguida ho lezadu mantein ho sira ida-idak ninia deklarasau.

Testemuña Manuela Salem nu'udar mediku iha Sentru Saude Oesilo depoimenta katak momentu ne'eba testemuña mak hasai ezaminasaun médica forénsiku no deklara katak lezadu sofre kanek duni tanba kauza hosi sasan kroat, maibé la indika katak ne'e hosi tudik. Aleinde ne'e testemuña mós haktuir liutan katak se uza tudik mak sona sei kauza kanek boot no laloos kanek ki'ik deit, nune'e iha akontesementu ne'e testemuña fó ai-moruk lezadu hemu de'it, no lezadu halo tratamentu mós dala ida de'it.

Alegasaun finál

Prokuradór konsidera arguida provadu komete krime hasoru lezadu, mezmu iha produsaun ba prova arguida deklara katak lasona lezadu ho tudik. Iha parte seluk, lezadu konfirma faktus hotu no reforsa mós ho depoimentu testemuña nian. Tanba ne'e husu ba Tribunál atu kondena arguida tuir pena ne'ebé hakerek ona iha artigu 145 KP.

Enkuantu defeza haktuir katak iha akontesementu ne'e arguida ho lezadu diskute malu deit, arguida kaer duni tudik, maibé uza hodi ko'a hudi no arguida laiha intensaun atu sona lezadu. Tanba ne'e husu ba Tribunál atu absolve arguida, maibé karik tribunál iha hanoin seluk, parte defeza husu justisa.

Desizaun

Depoisde avalia faktu sira hotu, tribunál konklui katak arguida provadu komete krime hasoru lezada. Bazeia ba prova sira ne'e, tribunál kondena arguida ho pena prizaun fulan 6 suspende ba tinan 1.

20. Krime ofensa ba integridade fízika simples ho natureza violénsia doméstika

Nú. Prosesu	: 0011/18.OESIC
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Marcelino Marques Coro
Tipu pena	: Dr. Inasio Quebo ho Dr. Filipe Landos
	: Pena prizaun tinan 1 suspende ba tinan 2 ho regra ba konduta

Iha 17 Maiu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu DFN (Membru PNTL) hasoru nia oan mane AFJFN (Tinan 10), iha Distritu Oekusi.

Akuzasaun Prokuradór

Prokuradór akuza katak iha 15 Fevereiru 2018, maisumenus tuku 15.00 lokraik, arguidu lori espelu motor nian tuda dala 1 iha lezadu nia ulun no rezulta lezadu sofre kanek kiik no moras. Kazu ne'e akontese wainhira arguidu toba dukur hela, lezadu duni malu ho nia alin fetu no lezadu sama arguidu nia ain-kanek hodi halo arguidu hakfodak no komete aktu ne'e hasoru lezadu. Kazu ne'e anexa mós ho relatório médico husi Sentru Saude Baqui no fotografia husi Polísia-VPU.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3 no artigu 35 letra (b) no artigu 36 LKVD.

Produsaun ba prova

Iha julgamentu arguidu uza nia direito nonok. Enkuantu lezadu deklara katak iha akontesementu ne'e arguidu tuda lezadu, tanba lezadu duni malu ho nia feton no sama arguidu nia ain ne'ebé kanek hela. Lezadu mós deklara katak arguidu foin primeira-vez baku lezadu.

Testemuña Maria Colo nu'udar arguidu nia feen depoimenta katak lahare arguidu tuda lezadu tanba iha akontesementu ne'e tanan testemuña fase hela roupa iha uma kotuk. Testemuña haktuir tan katak kuandu rona lezadu tanis mak testemuña ba husu tuir no lezadu dehan katak arguidu mak ori espelu motor nian tuda lezadu, tanba lezadu halai sama kona iha arguidu nia ain kanek.

Alegasaun finál

Prokuradór konsidera arguidu provadu komete krime hasoru nia oan no tuir loloos arguidu mak protégé lezadu. Arguidu hanesan membru PNTL iha kuñesementu diak kona-ba krime ne'e. Tanba ne'e husu ba tribunál atu kondena arguidu tuir pena ne'ebé hakerek ona iha artigu 145 KP.

Enkuantu defeza haktuir katak iha produsaun ba prova arguidu hili direitu nonok, enkuantu lezadu deklara katak arguidu lori espelu motor nian tuda lezadu, nune'e defeza husu ba tribunál atu atu kondena arguidu tuir konviksaun tribunál nian.

Desizaun

Tribunál konklui prosesu ne'e no kondena arguidu ho pena prizaun tinan 1 suspende ba tinan 2 no selu kusta judisiál US\$20.00. Tribunál mós aplika regra ba konduta ho kondisaun katak arguidu tenke aprezenata aan peródikamente iha Eskuadra Polisia Pante-makassar kada fulan 1 dala 1 durante tinan 1.

21. Krime violasaun ba domisíliu

Nú. Prosesu	: 0006/18.OESIC
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Calisto Tout
Tipu pena	: Dr. Inasio Quebo ho Dr. Filipe Landos : Omologa pedidu dezisténsia keixa

Iha 17 Maiu 2018, Tribunál Distritál Oekusi prezide julgamentu tentativa konsiliaun ba krime violasaun ba domisíliu ne'ebé envolve arguidu Vicente Neno hasoru lezada Leopoldina Teme, iha Distritu Oekusi.

Akuzasaun Prokuradór

Prokuradór akuza katak iha 23 Janeiru 2018, maisumenus tuku 02.00 madrugada, arguidu tama ba lezada nia kuartu laran sein autorizasaun husi lezada no fó sinal ba lezada atu labele hakilar maibé lezada hakilar nafatin.

Prokuradór akuza arguidu kontra artigu 185 Kódigu Penál kona-ba krime violasaun ba domisíliu ho moldura penál bele to'o tinan 2 ka multa.

Produsaun ba prova

Bazeia ba artigu 262 Kódigu Prosesu Penál (KPP) kona-ba tentativa ba konsiliaun, nune'e antes tama ba julgamentu produsaun ba prova, juis husu atu halo tentativa konsiliaun ba arguidu no lezada.

Iha prosesu konsiliaun ne'e, lezada hakarak dame malu de'it no dada fali nia-keixa tanba arguidu hatais fali ona lezada ho tais fetu 1 no osan mutin ida (*Baiqueno dehan pataka kolo*). Iha

parte seluk arguidu deklara katak arrepende ona nia hahalok no promete katak sei la repete tan hahalok hanesan iha futuru.

Alegasaun finál

Prokuradór no Defeza apresia akordu dame ne'ebé parte rua deside ona no husu ba tribunál atu omologa prosesu ne'e.

Desizaun

Bazeia ba akordu hosi parte rua no pedidu dezisténsia hosi lezada, tribunál konklui prosesu ne'e no omologa akordu dame entre parte sira

22. Krime ofensa ba integridade fízika simples

Nú. Prosesu	: 0008/18.OESIC
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Marcelino Marques Coro
Tipu pena	: Dr. Inasio Quebo ho Dr. Filipe Landos
	: Pena multa

Iha 17 Maiu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ne'ebé envolve arguidu Cornelio Abi hasoru lezadu Luciano Colo, iha Distritu Oekusi.

Akuzasaun Prokuradór

Prokuradór akuza katak iha 16 Janeiro 2018, maisumenus tuku 01.00 madrugada, arguidu lori kadeira masa baku dala 1 iha lezada nia liman kabun parte karuk no rezulta lezadu sofre moras no mean iha lezadu nia kabaas. Kazu ne'e akontese kuandu arguidu taka *bola guling* no arguidu lakon, nune'e arguidu hakarak baku rahun meja *bola guling* nian. Tanba ne'e arguidu ho lezadu diskute malu no arguidu komete aktu ne'e hasoru lezadu.

Prokuradór akuza arguidu kontra artigu 145 Kódigu Penál kona-ba ofensa ba integridade fízika simples ho moldura penál to'o tinan 3 ka multa.

Produsaun ba prova

Iha julgamentu arguidu uza nia direito nonok. Enkuantu lezadu konfirma faktus hotu iha akuzasaun.

Testemuña Batista Lelan nu'udar arguidu nia kolega depoimenta katak iha momentu ne'eba rona arguidu ho lezadu diskute malu no arguidu koalia atu baku rahun meja *bola guling* nian. Maibé testemuña lahare arguidu baku lezadu lori kadeira tanba testemuña tuur se'e kotuk ba sira nain rua.

Enkuantu testemuña Emanuel Colo nu'udar lezadu nia ajudante depoimenta katak kuandu sira nain rua diskute malu to'o arguidu kolia atu baku rahun meja *bola guling* nian no derepente arguidu foti kadeira masa baku dala 1 iha lezadu nia kabaas parte karuk.

Alegasaun finál

Prokuradór konsidera arguidu iha indisius forte provadu komete krime hasoru lezadu no krime baku malu barak liu akontese iha Oekusi kompara ho distritu sira seluk. Tanba ne'e husu ba tribunál atu kondena arguidu tuir pena ne'ebé hakerek ona iha artigu 145 KP.

Enkuantu Defeza haktuir katak tetu ba aktu krime ne'ebé mak hatodan no hakaman arguidu nia responsabilidade kriminal, no defeza husu pena ne'ebé kmaan.

Desizaun

Depoisde avalia faktus ne'ebé produs durante julgamentu, tribunál konklui prosesu ne'e no kondena arguidu ho pena multa US\$120.00 ne'ebé sei selu US\$1.00 kada loron durante loron 120. Tribunál mós fiksa pena alternativa durante loron 80 prizaun, wainhira arguidu la kumpri pena multa refere.

23. Krime ofensa ba integridade fízika simples ho natureza violénsia doméstika

Nú. Prosesu	: 0015/17.OEPSB
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Marcelino Marques Coro : Dr. Inasio Quebo ho Dr. Filipe Landos
Tipu pena	: Pena prizaun tinan 1 fulan 6 suspende ba tinan 2

Iha 18 Maiu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu VT hasoru nia nia feen, iha Distritu Oekusi.

Akuzasaun Prokuradór

Prokuradór akuza katak iha 10 Agosto 2017, maisumenus tuku 17.00 lokraik, arguidu tebe dala 2 iha lezada nia hirus matan, basa dala 1 iha lezada nia hasan parte loos no basa dala 1 iha lezada nia hasan karuk, foti ai-gamal rohan 1 baku dala 2 iha lezada nia kotuk laran no tuku dala 1 iha lezada nia kanuruk. Kazu ne'e anexa mós ho relatório médico husi Sentru Saúde Pasabe no fotografia husi Polisia-VPU. Kazu ne'e akontese arguidu ho lezada diskute malu, lezada fokit moda mutin iha to'os laran lori ba faan sein arguidu ninia koñesementu.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3 no artigu 35 letra (b) no artigu 36 LKVD.

Produsaun ba prova

Iha julgamentu, arguidu konfesa faktus hotu iha akuzasaun, arguidu deklara katak arrepende ona nia hahalok. Arguidu hatene baku ema hanesan ne'e ladiak no kontra lei Timor no arguidu foin primeira-vez mai hatan iha tribunál. Arguidu deklara mós katak servisu hanesan to'os-na'in, laiha rendimentu fixu kada fulan no depoisde akontese sira dame malu kendas no ate agora moris hanesan feen ho laen. Arguidu iha oan nain 6 no promote sei larepete tan hahalok hanesan iha futuru.

Pokuradór husu ba tribunál presinde lezada nia deklarsaun, tanba arguidu konfesa faktus hotu iha akuzasaun.

Alegasaun finál

Prokuradór konsidera arguidu provadu komete duni krime hasoru lezada, arguidu arrepende ona ninia hahalok, hatudu komportamentu di'ak iha tribunál. Tanba ne'e husu ba tribunál atu kondena arguidu tuir pena ne'ebé hakerek ona iha artigu 145 KP.

Enkuantu defeza husu ba tribunál atu aplika pena ne'ebé adekuadu ba arguidu, tanba arguidu konfesa, arrepende ona nia hahalok no diak malu ona ho lezada.

Desizaun

Depoisde avalia faktus ne'ebé produs durante julgamentu, tribunál konklui prosesu ne'e no kondena arguidu ho pena prizaun tinan 1 fulan 6 no suspende ba tinan 2.

24. Krime ofensa ba integridade fízika simples ho natureza violénsia doméstika

Nú. Prosesu	: 0015/17.OEOSL
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Calisto Tout
	: Dr. Inasio Quebo ho Dr. Filipe Landos
Tipu pena	: Pena prizaun tinan 2 suspende ba tinan 2

Iha 18 Maiu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu CB hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 04 Setembru 2017, maizumenus tuku 17.00 lokraik, arguidu ho lezada diskute malu kona-ba osan atu sosa fós ba nesesidasde familia nian. Arguidu lori ai-kabelak baku dala 1 iha lezada nia matan fukun parte karuk no rezulta lezada sofre moras no kanek kiik iha lezada nia matan fukun parte karuk. Kazu ne'e anexa mós ho relatório médiку husi Sentru Saude Oesilo no fotografia husi Polisia-VPU.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3 no artigu 35 letra (b) no artigu 36 LKVD.

Produsaun prova sira

Iha julgamentu, arguidu konfesa faktus sira integralmente no arrepende ona nia hahalok. Arguidu servisu hanesan to'os-na'in ho rendementu kada fulan US\$20.00 no iha oan nain 6. Arguidu promete katak sei la komete tan krime hasoru nia lezada ka ema seluk iha futuru. Arguidu deklara katak depoisde akontesementu diak malu ne'e diak malu kadas ho lezada no ate agora moris hamutuk iha uma 1 hanesan feen ho laen.

Prokuradór husu b Tribunál atu presinde lezada nia deklarasaun, tanba arguidu konfesa faktus hotu iha akuzasaun.

Alegasaun finál

Prokuradór haktuir katak arguidu provadu komete krime hasoru lezada. Prokuradór mós rejista katak kazu violénsia doméstika barak liu akontese iha Rejiaun Oekusi kompara ho distritu/munisipiu sira seluk. Tanba ne'e husu ba tribunál atu aplika pena tuir artigu 145 Kódigu Penál.

Enkuantu Defeza haktuir katak arguidu deklara faktus hotu iha akuzasaun, arrepende ona nia hahalok no promete sei la komete tan krime hasoru lezada iha futuru, arguidu iha oan nain 6 no diak malu ona ho lezada no agora dadaun moris hamutuk hanesan feen-laen. Tanba ne'e husu ba tribunál aplika pena ne'ebé kmaan ba arguidu.

Desizaun

Depoisde avalia faktus provadu sira ne'ebé prodús durante julgamentu, tribunál konklui prosesu ne'e no kondena arguidu ho pena prizaun tinan 2 suspende ba tinan 2.

25. Krime ofensa ba integridade fízika simples ho natureza violénsia doméstika

Nú. Prosesu	: 0013/17.OEOSL
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Marcelino Marques Coro
Tipu pena	: Dr. Inasio Quebo ho Dr. Filipe Landos
	: Pena prizaun tinan 1 no suspende ba tinan 1 fulan 6

Iha 18 Maiu 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu DB hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 18 Agosto 2017, maisumenus tuku 18.00 lokraik, arguidu basa dala 1 iha lezada nia matan fukun parte karuk no tuku dala 3 iha lezada nia kanuruk. Arguidu kontinua

rasta lezada ba rai no rezulta lezada sofre moras. Kazu ne'e anexa mós ho relatório médiку husi PRADET no fotografia husi Polisia-VPU.

Prokuradór akuza arguidu kontra artigu 145 KP kona-ba ofensa ba integridade física simples ho moldura penál to'o tinan 3 ka multa no konjuga ho artigu 2, 3 no artigu 35 letra (b) no artigu 36 LKVD.

Produsaun ba prova sira

Iha julgamentu, arguidu confesa ho totalmente ba faktus sira iha akuzasaun, deklara katak arrepende ona nia hahalok. Arguidu hanesan argrikultór laiha rendimentu fixu kada fulan no iha oan nain 6. Arguidu promote ba tribunál katak sei la komte tan krime hasoru lezada ka ema seluk iha futuru no depoisde akontesementu ne'e diak malu kedes ho lezada.

Tanba arguidu konfesa faktus hotu iha akuzasaun, prokuradór husu ba tribunál atu presinde lezada nia deklarasaun.

Alegasaun finál

Prokuradór konsidera arguidu provadu komete krime hasoru lezada bazeia ba faktus provadu sira ne'ebé arguidu deklara ba tribunál. Tanba ne'e husu ba tribunál atu aplika pena tuir artigu 145 KP.

Iha parte seluk, defeza husu ba tribunál atu aplika pena ne'ebé adekuadu ba arguidu, tanba arguidu iha kolaborasaun di'ak ho tribunál, arrepende nia hahalok no diak malu ona ho lezada no iha oan nain 6. Arguidu mós promete katak sei la komte tan krime hasoru lezada no membru família ka ema seluk iha futuru.

Desizaun

Depoisde avalia faktus hotu, tribunál konklui katak arguidu provadu komete krime hasoru lezada. Bazeia ba prova sira ne'e, tribunál konklui prosesu ne'e no kondena arguidu ho pena prizaun tinan 1 suspende ba tinan 1 fulan 6.

26. Krime ofensa ba integridade física simples ho natureza violénsia doméstika

Nú. Prosesu	: 0166/17.OESIC
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Marcelino Marques Coro
	: Dr. Inasio Quebo ho Dr. Filipe Landos
Tipu pena	: Pena prizaun tinan 2 no suspende ba tinan 3

Iha 25 Maiu 2018, Tribunál Distritál Oekusi prezide julgamentu leitura sentensa ba krime ofensa ba integridade física simples ho natureza violénsia doméstika ne'ebé envolve arguidu PC hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 18 Agosto 2017, maizumenus tuku 07.00 dadeer, arguidu tuku dala 1 iha lezada nia hasan parte loos, kaer lezada nia kanuruk fai ba ai-dak, lori ai-sanak baku dala 1 iha lezada nia kotuk laran no rezulta lezada sofre moras. Arguidu kontinua foti sanan ne'ebé nakonu ho sasoro manas fakar ba lezada nia ulun no rezulta lezada sofre moras no lezada nia oin parte karuk mean hotu. Kazu ne'e anexa mós ho relatório médico husi Ospital Referal Oekusi no fotografia husi Polisia-VPU.

Prokuradór akuza arguidu kontra artigu 145 KP kona-ba ofensa ba integridade física simples ho moldura penál to'o tinan 3 ka multa no konjuga ho artigu 2, 3 no artigu 35 letra (b) no artigu 36 LKVD.

Produsaun ba prova sira

Iha julgamento, arguidu confesa faktus hotu iha akuzasaun no arguidu mós deklara katak arrepende ona nia hahalok. Arguidu servisu hanesan to'os-na'in no laiha rendimento fixu kada fulan no iha oan nain 4. Arguidu foin primeira-vez mai hatan iha tribunál no diak malu ona ho lezada.

Prokuradór husu ba tribunál atu prezinde lezada sira nia deklarasaun, tanba arguidu confesa faktus hotu iha akuzasaun ne'ebé antes ne'e Prokuradór arola ona atu rona tanba arguidu confesa faktus hotu iha akuzasaun.

Alegasaun finál

Prokuradór haktuir katak arguidu provadu komete krime violénsia doméstica hasoru nia feen no arguidu iha intensaun maka'as atu baku nia feen. Tanba ne'e husu ba tribunál aplika pena tuir artigu 145 KP.

Enkuantu defeza haktuir katak arguidu confesa faktus hotu iha akuzasaun, arrepende ona nia hahalok, foin primeira-vez mai hatan iha tribunál no diak malu ona ho lezada, iha oan nain 4. Tanba ne'e husu ba tribunál aplika pena ne'ebé adekuadu ba arguidu.

Desizaun

Depoisde avalia faktus provadu sira durante julgamento, tribunál konklui prosesu ne'e no kondena arguidu ho pena prizaun tinan 2 no suspende ba tinan 3.

Atu hetan informasaun kompleitu, favor kontaktu:

Luis de Oliveira Sampaio
Diretor Executivo JSMP
Diresaun e-mail: luis@jsmp.tl